

亦有生齋集

亦有生齋集詩卷第二十四

武進 趙懷玉 億孫

古今體詩

著雍執徐

正月三日黃塘展墓歸塗作

敬爲先塋展歸仍大路遵荒林含宿雨儉歲失新春戰戰冰
漏意茫茫堂構身踟躕增百感不覺近城闔

六日雪

排日廉纖雨朝來變玉霰居然猶在臘或可藉占晴泥有征
鴻爪檐多凍雀聲把杯成獨笑從此慶豐盈

立春前一日朱方伯

勳 譙集同人次家觀察翼韻

條風將至臘將殘青韭黃柑各入盤尙齒筵尊三老座分曹
酒合衆賓歡打春且趁觀如堵降澤宜煩禱向壇畢竟郇公
厨有味調羹仍不廢寒酸是日設羹

李孝廉

文詰

以所著詩見臧率題

盛年容易擅才華老馬還愁識路差太白是仙長吉鬼詩名
從古屬君家

豐樂溪十六景爲吳

撰作

辛橋

問橋何名辛可以配丁卯夕陽金碧中紅霞襯芳草

豐水

山下出泉蒙泉流盡向東有人豐水上把酒話年豐

不瓦亭

古人屋因樹今有此亭子天香四面來吾無隱乎爾

南山

南山何所有彌望九九松願保歲寒姿與君同禦冬

釣雪堂

虛堂宜釣雪水部讀書處驛使寄年年故園春幾度

綠遶塘

薰風向暮生荷淨散餘馥不見同心人差差空自綠

無梁殿

昔愛轉輪巧今見無梁制佛法本虛空般倻亦遊戲

金三

借問三天竺何如金竺幽昨宵農拍手雲氣滿峯頭

棕亭

縛棕以爲亭到來如戴笠溪聲入夢涼林氣蒸衣濕

隴塢

籠石儼成堤導流還聚塢好補溝洫遺翻嫌桔槔拙

餘清齋

餘清有遺刻夙昔三摩抄邈矣雲間客空齋長薜蘿

遲雲館

停雲常曖曖對此心跡清閒來倚修竹爲聽讀書聲

過溪亭

卜居在溪北應做溪東西勝自一邨攬日窗三壑通

十二樓

野水浩無垠，靈峯勢欲走。我思渡東溟，仙人各招手。

三眼井

飛泉爭仰流，汲之竝受福。可惜提攜忙，要令昏暮足。

北閘

設閘如設城，登臨一何壯。倘使雪中來，便入光明藏。

客冬吳上舍

壽祖

以詩寄贈，并索題三十六歲小像，賦此

荅之

我未交季重，才名已傳遍。昨歲蟻山裁，識面山房竹。樹綠滿
窗，爲我開尊啟芳讌。忽忽別去，節序流天寒。忽枉瑤華投新
詩，快讀若搔癢。驪珠顆顆囊中收，更寄絨膝圖尺幅，寫真之

年當廿六蒼茫獨立若有恩依傍一空竟無屬蘇

易簡韓琦

昔日作卿相

蘇拜參政韓入樞密年皆三十六

君則胡爲尚巖谷人生至樂

唯天倫樹諼菰蘭常好春名山況擅不朽業過眼富貴同煙雲

二月十日大雪

雷車昨夜聲隆隆列缺光閃輾綃紅朝來玉霰積盈尺穉柳青青頭盡白賜谷直與味谷連縮地如遇壺中仙又疑冰炭出一手化工以此煎人壽添裘頻把濁酒斟出門猶怕寒威侵道旁有客膚起粟典卻布袍初換縠

生日偶成

頻年客裏度生朝鄉國看花春倍饒用拙并難求子慧耐貧

常恐受人驕只憑濁酒將愁遣若論名山要福消身已倦遊
天未許片帆明發又隨潮

時將赴海陵

次韻

莊穎曾

閉門謝客慶生朝爲感蒿莪恨轉饒上答

君親真不愧無求昏暮又誰驕久經宦海收帆穩冷看
冰山向日消一事定推公獨步起衰八代繼韓潮
上已纔過第二朝陽春和罷別情饒學箕終冀良弓紹
嚇鳳宜甘腐鼠驕知足味真同蔗好達觀愁合似煙消
此心已逐蘭舟去遠趁桃花漲後潮

學僊

喜逢覽揆暮春朝鶴髮童顏興自饒後起功名都不賤

儻來富貴孰能驕澄心物理詩中得翻手人情醉後消
且向揚州重看月一江新綠正生潮

過揚州與同年洪太守

話舊

卅載齊年近已稀與君出處未相違退身猶爲長貧累閱世
方知況愛非勝地煙花輕斷送清尊風雨暫因依明朝江上
重回首應有愁心共鳥飛

讀詩

習坎險不失去輓車必值誰云豚魚頑莫謂州里近季布諾
無爽張陳交有釁貪夫與烈士所在各身徇藉非出之誠歷
人情難遁徒爲旦旦誓何若硜硜靳黈草詎生山空花弗及
瞬我誦采芣詩以做人無信

仲父昔有訓四維禮爲始子桑譏大簡原壤懲夷侯檢束存
衣冠投報尙桃李古人占吉凶往往在瞻視胡爲忽不察相
率忘所以老旣傲情甘少又通脫喜大都鮮忌憚或有所憑
恃羊質而虎皮尸居氣已靡丹青美恭壽衛風詛適死我誦
相鼠詩用愧人無禮

秦州築壩返自揚州仍由福山取道畱家三宿而發

夢覺揚州月已非憑他風雨送將歸到來儘有腰纏客誇鶴
我今成退飛

信宿聊持故里樽綠蒲重挂黯吟魂飢驅較勝有官守贏得
過門便入門

過通州宿紫琅書院肝疾大作

講舍纔謀一榻安無端臥病廢眠餐事非涉已難平氣語不
驚人亦嘔肝聽雨故應疎客夢添裘猶未敵春寒離家三日
愁如此始信江湖行路難

次韻

宣城張燾

竹間信宿報平安
吟咀靈脂配木餐
雅愛遊山關地肺
祇堪近市覓豬肝
不沽冽酒惟憑餉
未敵茸裘可禦寒
一葉扁舟飛石渚
陽春譜出和君難

無錫

秦智鉞

人自勞勞我自安
盤堆苜蓿強加餐
一官味已如雞肋
七尺身真笑鼠肝
蒲酒將逢端午節
蕉衫尙怯麥秋寒
既來墨妙逾墮壁

時有楹帖
便面之惠

古道如公世所難

張儀曹

諱

秦廣文

智興

陸上舍

號

同遊王氏奉輿園

我到園林晚春深花事過尙餘藤作雪

時白藤花方開

忽駐石如魔

宿疾新晴減同遊舊雨多至今川自媚

一和濯纓歌

園爲前明顧尚

書養謙殊如園舊址

小憩天寧寺過塔院看牡丹

精藍隨意歷幽處絕纖塵僧雅能延客花濃已煨春甘霜人

乍面

歲庚子晤王明經元崑於彭文勤使院是日重見盡二十九年矣

半日客閒身向夕忘

歸去天香入座頻

唐刺史

仲景

以滿城風雨近重陽圖索題刺史九月八日

生也

世人生日酣笙歌君獨一卷供清哦世人每喜簪裾祝君獨

寄情松與鞠四時最是重陽好初度近之宜壽考已知送酒
同王宏何止能詩敵邠老我來訪舊款洽申與頌聽遍江城
民以風風人雨雨人澤所布處秋如春

自州城至狼山途中口占

菜花柳葉關青黃野水拖藍夾路長安得吾家大年筆重拈
清景寫江鄉

料峭東風剗地來荒邨還廢碧桃開隆隆十里車聲響都向

狼山禮佛回

土人車僧伽香市頗盛

駱丞墓

草檄原非計萬全神龍見首自飄然五王義舉先聲倡四傑
才名後起賢門對江湖隨逝止身埋海國任流傳

或云葬義烏及海州

九原且喜隣同調

左有宋兵馬都監金應墓

一例殘碑表墓田

金都監墓

生祭文章弟子工行間辛苦別推公憶富丞相流離久獨有將軍患難同雪窖何年移渴葬石垣終古護幽宮傷心未及從柴市冑羨魂歸桑梓中

憩白衣菴

名山登甫半初地意已屬導路愛綠陰迎門勞白足竹爐茶漫煮苦壁詩可讀怡情對鼠姑運腕遣虎僕

山僧以紙乞書

花如金

百兩書費紙十幅王宏殊解事送酒繼以肉酒食以待

文字

卽悟禪醉飽亦爲福要知小住緣便可幽居卜吾言非矯誣

聊爲山僧告

登狼山絕頂放歌

白狼之名天下昭經歲思一登岩堯昔望徒令心目注茲遊
恰得朋儕邀卒景樓荒思泯沒轉輪藏古愁漂搖僧伽靈獨
占此嶺士女膜拜連昏朝事往猶思戰爭苦時平但欣民物
饒我來意自在憑眺聊復假此祛塵囂足漸騰空謝攜屨杖
筇扶老徒縣瓢支雲一塔入雲表餘勇再賈身俱超濟勝幾
忘筋力敝臨危未敢心神驕從遊且喜有二客呼氣直欲通
三霄樹多如薺短壓地麥碧於水遙生潮鷹隼都從下方過
神仙疑在空中招混茫勢已江海合縹緲路豈蓬壺遙豪情
惜無痛飲助白首屢向青天搔我聞狼山本在水江心突兀
同金焦數百年來幾遷變波濤竟爲田疇消遐寄偏興陵谷

感歸心又逐風煙飄雨三點雨忽然止斜日移影明山椒

自馬鞍山至老人峯作

狼山位中央四峯巽然向軍劍悵未登馬鞍先入望回頭隔
支雲邈矣在天上龍舒緬遺跡獅子窺定相洗鉢泉自澄對
奕石無恙難爲逍遙遊且作招提訪碑周三甲子護生菴有碑崇禎戊辰
建樹閱幾衰王歸路繞左麓餘波尋別嶂峩峩峙靈峯特立
少依傍但驚聳然形不見頽乎狀得非大人體誤爲壽者相
衣冠儼具足瞻矚更清曠會逢東海仙攜手踏溟漲

護生菴古槐

老守僧廬避斧斤垂陰交翠各欣欣一龍不是凡鱗甲飛過
牆東便入雲

石港居人多種牡丹予一日盡觀之戲成絕句

鹿韭家家蒔種宜輕雲澹日養穠姿
落花一日都看遍便算長安得意時

友人齋中牡丹已敗僅存二朶摘歸供之感賦二絕

餘芳采采未蹉跎國色天香消受多
縱使阿嬌嬌絕世不藏金屋待如何

悅已爲容倍有情飄零豈獨惜傾城
世間不少知名士誤墮風塵過一生

題劉太守鶴齡遺照

吾親官京師與君爲僚友朝握華省
蘭暮酣燕市酒烏帽抗黃塵青山要
白首親早賦遂初君亦旋出守吳雲
與楚樹離

思有難割無何君遭喪奔屋唯恐後身勞路千里孝殯血三

斗歲月荏苒過音書契闊久昨我客邗溝高會集某某座上

逢次君

丙寅冬晤君仲子宗鼎於蘇州使席上

道故欣握手從茲游跡近

交情厚

頃者示君容再拜起而受道氣藹須眉高懷託林樾

想見當時心非關懸組綬我今鮮民生爾尙偏親壽一已能

養志一方慚餽口以此相較量夫人辨然否攀松獨泫然

夫有撫松圖

先志嗟跼負

啼鳥

啼鳥破晨色林多鳥亦繁不辭千舌碎併作一聲喧巢喜鵲

鴉託寵愁鸚鵡言春眠吾自穩山館夢羲軒

讀書周遭多樹每當侵曉薄暮禽聲尤盛前詩未盡復得

一絕

夏木陰陰園柳青鳴禽早晚不曾停山齋左有僧廬在暮鼓

晨鐘一例聽

書前明顧尚書

養謙

詩卷後

淮南司馬天人流胸羅武庫輕封侯葛公綸巾鎮巴蜀叔子
緩帶綏荊州昨向丹青展顏色颯爽英姿猶交交因籌邊事
心力枯甫及壯齡須髯白晴窗遺墨今更披想見興到濡毫
時微吟每以陶謝法狂草豈唯旭素師詩成半在延平道行
部餘閒恣幽討黯淡灘聲打槩危枰欄山色褰帷好時公通
籍纔七年

公以嘉靖乙丑成進士至隆慶辛未計七載

初辭畫省腐旬宣昭陵御

宇尚中葉四海已覺多烽煙盤根錯節身煩試晚借長城督

蓬蒿仗鉞爭推征戰勞經邦誰識謨猷秘飄然夫老還歸田
平泉綠野常流連至今池水色含媚疑有珠光夜燭天公別業珠
如園尚存勲名已歸青史久手澤猶看子孫守立言端藉立功傳
此卷長留應不朽

吳秀才 磨級

以有是園圖記介洪生

允恭

乞詩

身無半畝宮意有千間廈當其自得時奚必論真假延陵季
子古達人胸藏邱壑結構神一圖一記鄭重寄如使飢者飯
八珍華胥原是夢遊地平泉草木留文字殷輪未抵意匠工
莊列何妨寓言戲嗟予垂老守敝廬況復累歲勞舟車會當
別製新圖記同向空中樓閣居

蔡鹽尹

傳登

席上作

綠酒殷勤勸綺筵無愁終日自嫣然兒家相見灣頭近我亦
來成一而緣

窄裏蠻鞋結束宜雛鴛出谷轉歌遲比他碧玉年還小三五
盈盈月滿時

纖細腰肢掌上輕巫山應許御風行侍兒小錄重緝遍只有
非煙合字卿

五月十五夜飲蔡鹽尹齋中再用前韻

清歌日日聽當筵戲到逢場亦偶然恰喜二喬都未嫁不知
誰締護軍緣

納涼最是廣庭宜風自徐來月上遲初著羅衣渾未耐教人
離背憶當時

太憨生是可憐生聊慰江湖落魄行閒引死央池水皺人間
何事不干卿

題王秀才

敬尋
浴鷺圖

桃花含煙柳蘸波此時風景清而和臨流有客別無事日向
溪頭看浴鷺喜君數典不忘祖右軍之癖今誰伍陽羨書生
術未工山陰道士羣先舉君家大阮論交夙曾記高堂同翦
燭乾隆壬子訪令叔
少林太守於寶應豈知鳳靡遺相聞遂使鷗盟渺難續逐
昂隨雞又幾時海濱卻恨識君遲請看多少乘軒鶴何似眠
沙泛浦宜

自石港至呂四往返八日舟中口號

無多行李野航寬白袷還愁五月寒一事自慚輸閔貢逢迎

到處累豬肝

餘西南去是餘東兩岸垂楊面面風麥已登塲秧乍插桔槔聲裏過烏篷

仙蹤四度漫流傳笑我能來亦是緣欲問還丹換凡骨如今

滄海舊桑田

相傳呂四以呂翁四到得名所至之地今已入海

濱海都成斥鹵堆此間水價抵新醅擔頭買得如涇濁也費青錢三十來

盛鬻豐容笑膳生船孃老去尙多情長年不是天邊宿也伴張星過一生

記得來時阻石尤鹽河淺處易勾留歸途恰趁東風便細雨輕帆挂不收

江秀才

然德

倚樓二圖

嘖嘖吾家笛一聲倚樓又有客關情夕陽何限凝眸意重疊
丹青畫不成

幾番賦恨惜離羣蔓草荒寒陌草薰讀到自題詩句好夢中

彩筆合傳君

江有涉世已知才是累再生惟願我無情及古來奇士皆陳迹天下名山祇夢遊句皆可誦

閏月十四夜與保生

錫麟

翠雲樓看月

雨久快新晴高樓月倍明不辭登百尺肩復倦三更雞黍空
傳食關山忽動情與君同屈指客裏幾虧盈

閏月廿二日自石港歸里

正欲理歸程瞿然忽自悲忍逢今月閏追痛七年辭禮敢因
心造身還乞食羈感他相送者珍重話臨歧

如皋晚泊

經月魚灣醉作鄉如皋城又泊輕航涼風過後颯秋意微雨
飲時明夕陽河到游龍形屈曲地傳射雉說荒唐

如皋有賈大夫祠

萍蹤是處生餘戀無怪浮屠不宿桑

舟行卽事

蒲帆十幅快風颺把酒船頭興亦豪且喜天教炎氣伏尙嫌
人向客途勞掠波燕自離繙繳受策牛還轉桔槔

居人多繫牛於桔槔

離之使旋轉引水

到眼江村都入畫魚蝦何日許親撈

過泰州訪前輩徐舍人

步雲

重過吳陵道離情又判年江湖游子倦雞黍丈人憐憶事前
塵香承家後起賢不須求服餌已是地行仙

香阜寺

寺擅淮南勝山齊代北名

地名五臺山

團蒲聊一憩脩竹有餘清

搖動風前影鍾傳飯後聲世情輸老衲朝夕管逢迎

同年洪太守

梧

招遊湖上觀荷

兩度望平山遊爲風雨廢今來值新晴暑氣喜暫退洪厓興
不淺招我仙舟載同行二三人不速四五輩座雜談莊諧交
聯方外內林多好風至天少纖雲礙芙蓉山水鮮自然去雕
嶺艷堆赤瑛盤靜解漠皋珮葩含冷香洩葉颭明珠碎如登
花世界見佛了無闕有橋名蓮華尤與此時配繫纜傍綠陰
聊以一尊酌清歌遠初起畫舫晚成隊旣快積願酬況兼嘉
客對興盡且還歸何時重訪戴

壽安寺訪小石上人

棧艇蓮塘淨扶筇竹院閒蟬聲初歇樹雨氣忽沈山食具清

齋蔬傳遠道難

是日寄伊墨卿書

尙嫌茶話短草草別禪關

揚州聞沈太守

理計

扁舟昨夜泊江濱惡耗傳來涕滿巾累疏上陳皆急務一麾

出守竟長貧蓮峯卅六歸魂杳

君歿紫陽講舍

茅屋尋常對酒頻

每過常州必訪余款語

太息謨猷猶未盡不終臺閣置斯人

宦途萍迹每牽連

余與君同官內閣同任山左

相繼抽簪僅隔年晚境共

爲衣食累達觀早證死生緣

君於附身之物皆豫辦

膝前尙有千霄器

身後曾無負郭田欲泛苕溪澆絮酒先歌哀些託風傳

渡江

江湖盛漲馮夷怒吳江舟人不敢渡京口長年代駕行柔櫓
聲中去如鶩始知萬事成於勇十日灘頭枉愁恐勞者之功
逸者收世間大半吳江流

丹徒道中

岡巒具體岸如山激汰揚舲百里間想是地因天塹近故教
鎖鑰作重關

壯烈伯李忠毅公

長庚

挽詩三十韻

五緯夜降太白精同安將軍天驚生異才之生必有用少歲
自命千人英研練龍韜挾短策出入豹尾影長纓之官甌越
所過蕭壁壘增色旌旗明鵬運曾爲六月息鷹揚終奮三秋
程目光射人度自雅膽氣克敵師惟貞是時孫恩起海上汨

沒島嶼翻狂鯨香煙晝積補陀寺烽火宵燭吳淞營伏波樓
船四面出獨領節鉞司專征絕甘分少本家法鞠躬盡瘁操
臣誠部曲爭思隸大樹朝廷久恃爲長城戈鋌甫指衆破膽
草木是處皆知名巢焚卵傾屢挫衄鼠竄豕突猶塘撐勢窮
闌入海南界如魚釜底徒連行歲維彊圍月紀臘瀾安萬里
澄滄瀛賊艇零星猝然遇意謂唾手功堪成披猖毬母忽助
虐閃屍蜎像交相驚鎮飛一丸殲逞毒星隕五丈寒無晶公
方把枕尙屹峙從容指顧麾餘兵遂騎箕尾去不返會見羽
葆紛來迎三軍縞素望洋哭哭聲喧過風濤聲事聞

至尊亦墮淚爵列五等蒙

殊旌畱豹應圖彥章像磔梟還告祁連塋死爲閻羅生柱國

泰山自重鴻毛輕自古原難享名壽如公始算兼哀榮我居
田間未識面聞此頓覺心忤忤封疆果使羣力合醜類何患
踰時平表忠已歸太史筆秉直況有與人評擒渠掃穴旦夕
事佇待海晏妖氛清重

頌與醲慰泉麥豈獨家祭陳旌牲

七夕

素簡涉二句靈辰逢七夕如何風露時猶未蘊隆釋我性苦
畏炎農情殷望澤況聞綠江田螟螣方鼓翼又聞淮揚裁長
堤迸千尺癡兒不知愁瓜果仍布席振振頗有辭智乞天
錫老夫別致虔再拜吐胸臆明明河與漢案戶光照壁彼迺
恣傾瀉此則靳涓滴頌天哀益之羣黎徧爲德

揚大芳燦

將赴關中道過郡城朱方伯

勳

招同人小集是

日適得快雨卽事有作

吹到西風暑氣沈涼軒且喜盍朋簪卅年交恰來今雨一室

花還慙素心

齋中素蘭盛放

入市定聞糧價減當筵莫遣客愁侵要

知此會誠難得珍重深杯手自斟

劉大秀才

駿

以泥肖爲僧像有詩自紀輒次其韻

金粟如來證夙因鏡花潭月悟分身土搏息壤胚胎巧山見
匡廬面目眞方外衣冠聊託跡閒中鳥兔任奔輪笑它帶水
拖泥客也向林泉附隱淪

爲錢郎

潤斯

題令祖竹初居士

雅喬

山水

竹初居士畫中師山水清華草木滋珍重文孫勤什襲防它

缸面酒溫時

近園看桂

城中少林徑近園時一到前度探秋光晚荷猶在沼重來未
及旬叢桂枝枝開勝賞慨寥落孤亭獨裴裒園有秋水亭如
桂最盛處如
遊黃金地直入衆香國豈無雜卉妍相對寡顏色日涉始成
趣平泉空子孫君看築池館幾輩羅琴尊我亦無園亭我又
苦行役但不負景光何暇論主客客歸花戀客誰解惜芬芳
殷勤識花意衫袂染餘香

庭前雙桂盛放詩以遣興

空庭金粟又離離難得閒居值此時但願著書長閉戶底須
招隱更吟詩

中秋玩月卽事

連年中秋無好月今夜清光滿林樾微雲捲盡星亦稀仰視
蒼蒼更寥泔陰晴千里能同否試問蟾蜍幾時有消受天香
兩樹花破除愁緒三升酒老夫興發離柴門醉携少長同欣
奔小橋曲巷趁腳健踏影疑碎破瓊盆傾城士女舄交錯都
爲年豐及時樂是處笙歌蕩盡橈幾家燈火明高閣樂不可
極夜未央歸來風露侵衣涼豈知還有向隅泣江北流民思
故鄉

楊上舍

元錫

招飲鵬光館

小別春明不記年君猶青鬢我華顛重來高館迷三徑欲問
初交半九泉

君族祖介社族父微之菊之相繼謝世

長句已聞驚海內深杯且

共話燈前盤肥藕綻休教負此是江鄉最好天

次韻

楊元錫

秋窗翦燭話當年舊句重吟欲放顛此夕偏教盛觴詠
幾人能久戀林泉名花忽綻風簾外時春海棠忽開雅令嚴催
酒錢前卻愛青州從事好自攜佳釀醉霜天

九日雨

重九難逢故里秋去年曾記客揚州負他令節常風雨勞此
浮生共馬牛銷悶直須千日酒登高聊上一層樓飢驅卻爲
霜寒阻未贖空箱舊典裘

重九後一日登紅梅閣訪徐道士

體微

重陽聽雨過恩恩傑閣來登興未窮野色四圍明霽後山痕

一角出雲中種梅地已神仙杳采藕方誰服餌工悔不駐衰
修道晚擬從彭曉注參同

味蓼居看藕歌

吾鄉花盛無如藕每到開時爛盈目冒惜終年灌溉忙欲教

九月芳菲足品繁種贖不記名此事合推老圃熟先從密葉

印朱文

買菊者於未開時先至圃中以小印印菊葉辨其種類

徐擇名葩貯金屋酒壚

茶竈各誇人雀尾獅頭費更僕就中尤數味蓼居大好軒窗

迴殊俗秩宗俎豆列後堂比部詩篇企前躅幼安況是貧時

交三徑昔來常不速

松崖清帥嘗居此子屢過焉

位置周盈今改觀几席

精嚴餅盃簇二十八宿羅當中

室三極中貯菊廿八種

左右還同衆星

屬有時花朵媚晴光西映斜陽東射旭有時花影散明燈素

壁平添畫橫幅更多庭卉雜丹黃似襯秋容助天沃觀者傾
城日日來熟客恐貽冷香辱笑我無錢買一枝借他酒盞澆
胸腹長生白與久視黃晚節應輸傅公獨日暮天寒有所思
此花以後難爲續

西郊舟次與孫大觀察

星衍

夜話

暫時請急促征程打漿西郊送客行祠墓千秋王母節
君乞暇省
墓并爲大盤餐一夕故人情流傳自有名山在出處寧爲世
母建祠
網罟月白霜濃分手去祇餘別夢繞紅旌

九月十四日雨中金太守

梁

招飲看鞠

鞠性本蕭散君能位置宜高低因地勢裁翦謝人爲翰墨緣

重結

是日觀局櫟園所藏書畫冊

壺觴興不疲池亭貪聽雨坐久忘歸遲

吳封君

端翁

齋中燈下看鞠次韻

燈前鞠色倍清佳，紫几甕盆次第排。千里洛南分異種，

鞠有自中

州來一尊巷北集閒齋。人來不速都乘興，詩爲難賡未恆懷。自是此花宜此地，山翁壽客作朋儕。

十月朔渡江登金山

開冬第一日，喜經第一山。江明射初旭，巖秀垂遙鬟。際此風色美，敢言筋力孱。寺行金碧裏，樹入丹黃間。洞含陰氣濕，碑蝕苔痕斑。登臺半就圯，畱帶何時還。塔鈴默無語，拾級猶能攀。天空鴻雁遶，浪靜魚龍閒。俯視渺身世，焉知在塵寰。卅祀遊迹杳，癸卯冬嘗登此山三宿前緣慳。本忘富貴願，何以得喪患。俗求名利者不登此山揮手謝僧去，終當老禪關。

過邗上聞戴生

堯垣

卒於清河旅次詩以傷之

頗得

公卿賞其如科第第一官終簿尉八口隔鄉關水火災

遺翰

生工小楷嘗爲予書養生論及洛神賦一既於火一既於水

風塵憶別顏金隄聞屢

決丹旄幾時還

對月有感

十月愁逢月追思淚滿衣臺誰問訊三世定相依

乾隆甲午十月

十三日亡妻金宜人卒甲辰十月十二日先妣棄養嘉慶戊午十月十五日次兄添丁殤

卽席有贈次韻

碧玉由來是小家樽前容易臉生霞那知多少芬菲外別有

亭亭一樹花

尋春莫便歎寥寥喚取芳名卽席邀畢竟秦樓明月好玉人

橫向夜吹簫

舊好新歡又一時
客中聊爾慰愁思
論才還讓張三影
七字吟成未撚髭

淺斟低唱情何限
酒盡歌終興未闌
不怕霜濃歸路滑
憐他瘦骨也禁寒

冬夜與張司訓

會處

王秀才

執羣集陳上舍

邦棟

齋中作

孟公好客草堂幽
簾外初懸月一鉤
且喜忘形刪禮數
何須捫舌避尊尤

座中有談舊事者

嶺梅信早將迎臘
盆鞠香遲尙駐秋

卽此清言抵綠竹
任他隔院沸吳謳

和韻

張曾虔

魚灣深處卜居幽
坐客尊前競送鈞
似我每慚吟不穩

於人誰拔物之尤窺簾影盪晴空月繞幔香凝晚節秋
高論涌泉嫌燭短不煩絃索轉嘲謳

歐陽炯

臨水三椽幽更幽座中客滿足詩鈎常教斟酒非謀醉
偶爾評花必拔尤敦古心情無冷暖方冬氣候似春秋
笑余鉅作遷延者孤負尊前清切謳

同作

陳邦棟

上客不嫌孤徑遠山農那惜一尊留新歡碧月初生夜
往事賓鴻正到秋盤具青蔬因愛澹座無紅袖轉添幽
陽春曲到愁難和只恐梅花笑白頭

冬住

冬住人猶滯山齋向夕栖寒輕風斷朔漏淺月沈西貴早輪
同學負還累病妻已拌愁不寐支枕聽晨雞

至日登翠雲樓

家家爆竹似新年有客樓頭感仲宣不是登高寫雲物隔江
要望故園天

次韻答黃

理

相思未相識居恨不同村每荷新詩寄難將積愫論名原江
夏重迹偶海邦存準擬明春至尋君倒酒樽

十一月九日寒甚

寒威侵請舍瑟縮類藏蝸日午光猶淡風高聲更多葉驚窗
驟打冰苦覩頻呵羸得門長閉終朝少客過

和韻

張曾虔

風挾霜威重人成負殼蝸響從簾押轉寒入被池多聊
把愁悰遣頻將笑口呵絳紗紅日映載酒許誰過

寒夜和張司訓

曾虔

寒柝聲聲遙夜聞此時客緒正糾紛風尖似鏃難飄雪月凍
無波易入雲只有黃金能做世那堪白首僅談文故園同悵
關山隔未識梅花信幾分

張司訓將往泰興歐陽孝廉

所

將赴揚州小集山齋話別

仍用前韻

清歌一串儘堪聞其奈當筵離思紛惜別嶼如人潸淚得交
龍願我爲雲甌能酌酒休辭病

緊括六
一詞

囊已無錢敢恃文

家用

元叔

明日浮蹤愁各散耐寒那不話宵分

和韻

歐陽祈

離堂別席舊曾聞岐路悠悠今更紛杜牧夢隨揚子月
伯牙琴奏海天雲寒銷殘臘難成會窮送頻年不在文
惟祝江鄉同瑞雪好教梅白遜三分

張曾虔

講舍深嚴夜漏聞藏鈎射覆儘喧紛盤餘野味香凝露
座有清歌響遏雲此際簾旌浮月色明朝帆席漾冰文
南舟北馬尋常事莫悵萍蹤合又分

十一月十三夜友人招飲卽席次韻

已分今宵醉欲扶聊將拇戰計贏輸花因拈得誇儕輩

是日行藏

花曹爲分來辨耦俱老剥朋情消粉黛寒愁浪迹滯江湖月
斜踏東人歸去還記偎紅倚翠無

落齒用昌黎韻

予生過八月始得漸有齒甫訖卽嗜甘作楚患雖已何圖適
年來屢落不冝止餅餌嚼未榮菜根咬非恥胡天此猶靳摧
殘以及死下齒今苟完上齒早離已空呼丹朱神虛嗽井華
水散與晨星同隕將冬饒北笑常至矧多寒直亡唇似吾親
年未艾齒已盡脫矣

先君官京師因墮馬傷齒一日盡落

吾衰弗追親落幸逾

一紀中豁左右搖時或捫以指骨肺慮根觸輔車失依恃譬
如人久聚欲別理宜爾幾疑張果攀敢乞尹奇視玉碎亦可
誇瓦全何足喜所愁饕餮性坐負滋味美安能服靈飛援證

抱朴子

獨酌

笙歌連夕沸獨酌亦欣然
最好人微醉難逢月正圓
得閒惟寫句畏冷輒思眠
又有關心事推排到枕邊

和韻

張曾虔

皎皎當頭月寒空夕湛然
已經三歲隔又見一回圓

去子

石清三年次

看劍尋高詠披帷笑獨眠
輸君山閣底興寄酒

壺邊

十一月十八日微雪過陳上舍

邦棟

齋中次張司訓

曾虔

韻

客來同訪舊踏凍徑穿斜
餐喜咄嗟辦人辭儼從譁

是日各令奴子

明月寒微逗影雪小不成花卽席詩誰敏先看手八叉

原作

張曾虔

雲海飾初雪霏微數點斜三人來不速一室靜無譁小
飲香浮螳高談冷粲花何時重掃逕還與鬪尖叉

短歌行

天旣鄭重而生材摧之折之胡爲哉輕塵飄颻弱草安得
不生亦不老明月白露光陰遞遷蜉蝣之寄誰能百年架上
幾卷書冢中幾人骨白骨日積書日多骨漸朽兮書沒沒古
來萬事理茫昧問天天竟無言對手可舉杯口可歌今我不
樂將如何

題吳思堂畫卷

并序

吳思堂名叔元儀徵諸生工書畫能詩喜飲酒嘗捨宅
爲宗祠至挈家舟居而不顧晚而貧無妻子客死門人
黃圮所圮爲經紀其喪擇地以葬此卷乃未竟之筆記
黃治之索同人題焉圮字楚橋如皋人

思堂藝三絕楚橋誼千秋愛屋邇及烏片紙同琳璆捨宅延
陵胸浩落晚歲無家任漂泊不是元亭問字人生竟誰依死
誰託詞客精靈何處招翦燈讀畫悵寒宵劉生論廣朱生後
尙有思堂與楚橋

石港近海多風講舍地又最高其風更烈歲成一絕

大塊頻將噫氣舒鳴條并小葉蕭疎山齋鼓吹天然具飽聽
風聲一月餘

雨中發自石港

辭家兩月此淹留風雨重登舫
舟歲惜三餘徵逐過人爭
一介嚙齷羞韓陵幾處堪同語
盤谷何年任獨遊但與海鷗
成素識可如田舍擁多牛

爲唐六刺史

仲克

題張判官

賜寧

畫

春林多生姿秋林乃見骨
當其下筆時自有氣蓬勃
僧繇孫子老畫師能事不妨促
迫之手裁束絹恣揮灑斜枝直幹何
紛披高松蒼蒼槲葉赤樹根一舟岸
千尺胸中想見雲夢吞
眼底那覺瀟湘隔頃來眉雪軒圍爐
同讀書頗愁并刀利未
遣素壁挂題詩爲證歲寒心我於翰
墨緣亦深

虞山道中

五更挂席破滄瀛晚過虞山月乍明遲速豈關舟子定有人
篷底悟平生

舟行

搖搖舟向暮地僻少邨莊天燦餘暉氣星爭初月光鳥能知
止宿佛亦倦津梁歲晏川途滯鄉心正未央

題同年崔太守

景儀

冊亨從軍圖

博陵學士如麟超年未三十登嶠坳花磚移日蓮炬燒華葺
游歷森風標古二千石政本操

天子慎重簡庶僚一麾出守桂海遙鎮鄣山色聳入霄叱馭
豈畏凌峯堯是時金筑肆蠡苗莠民附賊良民逃惟黔與粵
脣齒交冊亨當衝騎驛騷王于興師誼同袍使君獨著行間

勞哀鴻中澤聲磬磬奉檄裴糧撫若曹土官擁後懸弓刀百
姓崩角迎旗旄青山紅樹排珂郊邊雲沈沈馬蕭蕭據鞍顧
盼亦足豪事平入告得

旨褒頻典大郡完瘵洞疇看進秩宣六條忽然讀禮歸衡茅
燧火再易將還朝此圖夙昔紀所遭丹青一一羣生綯向使
簪筆忝剡剡致身槐棘雖崇高禁署頗牧何繇昭展卷令我
心切切髀肉生久難再消與世曾未裨絲毫讓君建節更珥
貂

十二月十八日雪後攜東坡先生畫像過莊徵君

宇適春

覺軒預修生日之祀

夜來雪花大於掌曉起猶聞折竹響臘逢三白占歲登春逗

一枝邀客賞踏泥方赴暖寒會展畫忽興尙友想坡公之逝
七百年光氣長在乾坤間手攜公像挂君壁一尊預酌生朝
前公之照鑑本澄澈公之生平尤愛雪聚星詩既特出奇北
臺韻復誇工絕今宵雪後合祀公瓣香豈止如南豐富貴神
仙是日所行令等春夢嬉笑怒罵同飄風立碑漫羨郭有道飲酒
且學王無功君不見東鄰吳季端翁每高興有約不來老而
病及時行樂休遯巡座上況多華髮人

十九日祀東坡先生於施有堂

昨宵曾製壽公詩重向虛堂進玉卮人歟死能爲衆奉我憐
生不合時宜眼中幸及東京盛身後空邀北闕知此地故應
魂魄戀好將柑橘代江醢

二十日立春

天末條風至窗前霽色新
四朝三遇雪一歲兩逢春
置酒何妨卯堆盤又見辛
老夫思賣困未曉逞精神

題崔觀察

龍見

蒲團小影

試問丞相茵何若蒲團穩
身披水田衣可以輕繡袞

三篋五車舊學六對九曲清
風悟道每從靜處逃禪宜必醉
中

科名仕宦等雲煙治譜分教鄰
下傳我欲安心求半偈饑來
喫飯困來眠

除日

乍飛密雪乍晴光天送窮冬
一例忙衰是意中貧亦慣老夫

事事看尋常

酒脯初陳穉燭然閭仙端合配坡仙

是日祭詩以東坡畫像與賈長江並懸於室

精神做盡聰明損尙有詩多勝去年

坐聽爆竹徹比鄰屈指春來恰一句吾老貪眠倦修道看人

守歲守庚申

是日庚申

子 昶

校字

姪學彭

亦有生齋集詩卷第二十四

亦有生齋集詩卷第二十五

武進 趙懷玉 億孫

古今體詩

屠維大荒落

元日試筆

日華曉透紙窗前飲遍屠蘇羹最先通籍居然成一世子自
入官鎮三杖鄉倏爾過三年感時未減胸中氣時患息影思
十年矣遊物外天已分無名到身後判將青史讓人傳

黃塘展墓

老去常悲作鮮民客中霜露幾回新年年一展春初墓我是
東西南北人

讀洪大

亮吉

拜先恭毅公影堂之作賦此答之

雲搏水擊際時隆長在

天家雨露中奕世尙綿君子澤當年曾著大臣風衣冠近古
尊遺像堂構承先婉藐躬多少交親門祚替幾人似爾起衰
功

附原作

國歷四朝家五代百年曾共享昇平人傳蓋里門風古我
懷尙書臣節清後死未嘗忘撰述時作里中耆舊傳此錄趙氏不止一人此
生猶及預耆英自西海歸凡里中勝會輒隨絳齋先生同集淒涼一曲雲窩
地記得頻騎竹馬行

人曰大雪

同雲忽布野積雪漸盈墀欲發花前興聊題醉後詩徑封綠
客掃樹壓待人支只恐春丁卯農占非所宜

是日丁卯俗有雨打春丁卯十

人九餓
例之諺

是日同人欲集施有堂家觀察

翼有詩次韻

翦綵爲人節物更介公眉壽特稱觥春盤例設聊從俗食譜
粗諳敢謂精周雪客多携笠屐消寒酒易盡盃鐺齒尊座反
甘居下除却詩篇靡有爭

附原作

醪酥送暖歲初更鄉飲連朝遞治觥數見不辭人太熟
後來居上饌逾精裘如史相隨年杖酒罄陳賸折腳鐺
笑我已甘辭首座

以主人族誼不
敢當首席之尊

漁樵席上不須爭

穀日喜晴

一夜聽檐溜朝來忽報晴補將天缺陷驗取穀豐盈澤國方
霽歛炎洲已罷兵還期頻送喜同此樂康平

正月十四夜夢中得詩覺來止憶後二句不解所謂戲足
成之

牛渚然犀怪可求乘槎海上亦封侯手拈一片靈鷲骨坐看
中原萬里秋

上元夜步月有感

上元與中秋陰晴互根著因思去年遊早辦此宵樂乘興出
門行明蟾凝碧落豈知遍街陌風景頗蕭索鼓鐃不聞聲燈
火并息燭回憶少壯時百戲紛紜作馬多郊外來龍或空中

躍衣香人影閒終夜鳥交錯俯仰數十年喧寂判然各凡事
增豪華佳節獨菲薄反張社公燈年來上元無燈每盛於二月二日其失流
於鑿舉一可例餘非今而是昨更闌躑躅返深巷響寒柝

題伯舅葉榜儂先生

樹藩

畫冊官蜀時爲仲舅涵峯先生

樹藩作也

岷山蜀江天下奇先生以爲六法師楚雨滇雲行更遠先生
得之添粉本船臂馬背幾寒煥能事有教人迫促每一圖成
輒自題積而計之凡十六豈惟翰墨徵性靈更念鄉關敦手
足外家門祔近凋零遺蹟無多抵一經白髮羊曇重感舊獨
餘老淚展丹青

又題榜儂先生畫

尺幅珍來似吉光遠宗董巨近倪黃自慚少負何甥目曾弄
丹青學渭陽

蜀中宦後宦黔中多少江山助化工可惜六丁收秘笈空教
人憶虎兒風

舅有小米畫卷甚愛之不戒於火

壺粥書廬海錄軒童時蹤跡尙能言輞川曾入王維畫何不
當時寫故園

小齋雜咏

并序

去春大寒盆花多凍死今皆生意勃然因取齋中所供
者牽連及之各賦一絕亦以見榮瘁之各有時也

梅花

去歲梅未花今年紛燦蔬亮爲寒燠殊物有盈虛理

水仙

配元榮於堂和氣一室作分明似蒜形臭味薰蕕各

並頭蘭

春蘭得氣早並頭尤含姿國士與國色居然生共時

天竹

瑣碎開百花輕圓結紅顆豈惟宜雪中植之能辟火

木瓜

木瓜大如枕故人自遠投但使筋力健敢惜瑣琺琨

爲孫觀察

星衍

題青山莊訪古圖

有序

乾隆丙申青山莊已廢孫伯淵

星衍

與洪稚存

亮吉

王

秉玉

育琮

吳伯升

堂

往尋遺址今三十四年矣伯淵追

念舊遊圖爲是卷寄歸索題焉

青山莊自勝國營蒹葭來鶴同擅名此莊歷久最後廢百餘
年來主屢更延陵創闢三三徑門第京江豪莫並我年十三
方得遊

乾隆己卯
始至此莊

臺榭已無疇昔盛是時春暖日載陽瓔珞

柏垂翡翠堂吞花卧酒恣行樂坐待新月窺斜廊閑歸失所
額何易風竟吹山作平地樹盡爲薪鳥不來池雖剩水魚難
戲夜深但見燐火青從此更無人跡經孫郎少小迴殊俗邀
客乘興探林坵秋雨初晴宜笠屐幽賞各誇塵外得出處存
亡今不同畫圖面目還能識知君於此敦古歡寫山兼寫盍
簪雖生綃遠向千里寄要與故人珍重看我隔初遊五十載
伴侶惟餘二人在悔未摹將尺幅中遂教往境迷桑海

吳江徐待詔

達源

與其徒趙上舍

爲

同修徐侯齋祠

詔復以遺像遺囑合裝成冊索題

侯齋先生忠節子奉父遺言以沒齒入山必深林必密身曳布衣腳草履天平之麓澗上堂平生石交潘求與楊无咎賢如潛菴尙相避何況羔鴈紛然將一書一畫皆入聖遺像清高更堪敬數行殘墨神自完想見臨危心鎮定風雨荒祠欲廢頻百年俎豆喜重新南州高義吾宗繼爲德從來卜有鄰

吳孝婦詩

孝婦徐氏吳縣人爲同縣吳上舍

廷鏗

妻嘗刲股療姑

疾卒年三十二嘉定錢詹事

大昕

傳之

昔詠江孝女今歌吳孝婦皆以刲股傳嘖嘖在人口女以療

其父婦以療其姑婦非屬毛裏事難卻與生我殊激於至性
由危迫死且不辭身敢惜天地猶能鑒血誠章縫廼反苛形
迹妻殉夫臣殉君況爲百行原毀傷何足云我交延陵已三
世搢笏益覺言津津

皇甫墩

溪以梁鴻著墩從皇甫傳居然浮玉體

俗稱小金山

亦是布金權

帆影窻中聚波光檻外連勞他僧瀚茗誰契趙州禪

慧山

弭櫂倚斜日登山趁夕陰花濃得春早泉澈悟人深濟勝漸
無具尋芳尙有心叢祠閒謁遍私淑半東林

孫節婦辭

節婦吳氏嘉興人江陰孫鳳池妻舅與從父俱官楚中
因以締姻未幾舅歿鳳池既免喪贅於漢津時已病昏
二十餘日而死孫故素封至是中落節婦扶襯歸里纍
侮迭至隻身支禦者久之官爲立後家始得保焉

越水兮吳波楚山兮峨峨女辭家而遠適將永託乎絲蘿

解一

誓同心兮結髮電碎紅兮芳歇本百年以爲期未一月而終

訣解二川路兮間關送素旌兮還故園室漂搖兮風雨手攘剔

兮榛菅解三毀家而完家無子而有子成敗豈所逆料兮但求

殫其職爾

解四

題錢文敏

維城畫

曾侍山翁杖履遊竟無片楮篋中收予獨無何人得此零星

公畫

墨烟靄橫看卻自由

鈴角朱文不著名胸中邱壑本天成一峯老去茶山繼想見
含毫別有情

鹽運司馬楊君

莫和

久不通問去冬作書致之則先期已

歸道山今春始得其耗詩以志悼

廣陵別後又三年一紙書雖達九泉才大不應鹽筴老詩多

自有棗梨傳篋中縞紵珍遺貺花下壺觴涉舊緣

丙寅春晤君揚州同

看芍藥時君自嶺南歸以葡萄酒程鄉蘭爲贈歸旆潞河知尙滯龍眠何日卜牛眠

江都八里鋪阻風

京口多漕艘遠從月河源過江剛八里逢彼石尤怒檣凝艣
硬不得動閣脚長年漸成夢四日纔行兩日程北船爭笑南

船壅船頭風雨撲面寒添裘猶怯衣裳單
船窗閉置儼新婦
舟中反作車中看
燒燭讀我書舉杯酌我酒
通固欣然塞亦
偶飄風驟雨何能久

舟中對牡丹

揚州花事賤牡丹成捆載買得一兩枝
插之膽瓶內孤舟莫
可語終日惟汝對
好在半開時凝香復含態
東風吹船脣初
旭射蓬背但覺百媚生
常將一尊酌吾聞富貴徒每好逐其
隊獨無淪落感能向清閑耐儘多
玉樓貯亦有金屋配見慣
情不專轉頭移所愛

六輝阻風

前日向北行曾遇北風惡
今日望東去東風又大作
前日陰

雨今日晴春陽杲杲天無情灘頭亂翻草木影枕底頻起波
濤聲長年徒恃挂帆力小艇反得撐篙行天公於我豈相戲
本少生平快心事君看破浪能幾人我卽乘風肯輕試

春風

青草粘天野蜨飛黃金布地菜花肥春風無力留桃李半上
征帆半客衣

楊花用前韻

楊花點點近船飛春色雖殘比雪肥猶有輕寒未全去可憐
成絮不裝衣

舟夜

月色傍舟明開窗載月行深林出人語隔岸有蛙聲坐久倦

猶耐夜闌寒漸生魚灣無百里早晚歇征程

立夏日雨

連朝風雨助憂端序入恢台淑景殘餞過三春空對酒嘗來
九熟乍登盤是日始見櫻桃蠶豆新麥辛裘已做寒頻怯蠶簡無多懶尙
看浪跡年年成底事故園雖近寄書難

題指頭畫采芝仙

龍天誰悟一指禪墨痕渲染成飛仙仙人遊戲自朝暮攜得
筠籃踏雲去歸來雲氣濕滿衣迎人蝙蝠如鴉肥想應洗盡
繁華後不采羣花采三秀

秦貞女詩

貞女蜀之射洪人幼字遂宣田殿焜父永清官通州運

判女隨之任殿焜母欲以女歸蜀秦則欲其贅如是久之嘉慶四年殿焜就昏南下過重慶銅鑼峽舟壞溺死女誓不嫁越九載卒歸於田年已三十四矣

兎絲繫松蘿青青顏色好疾風從西來摧殘抑何早亭亭秦氏女皎皎田家郎少小締昏嫻長各天一方岷山江之源東流直到海道里阻且長年光倏焉改生男願有室豈能久逾時買舟爲秦贅敢以間闢辭穿峽過銅鑼地危波浪惡如何帆檣傾遂使蛟龍攫一朝凶問至貞志堅璫珉所以不卽死恐傷重問親廻舟泝江行再經銅鑼峽泣祭欲沉江廼爲左右夾死旣未殉夫生猶可事姑手胼十指瘁淚澀雙眼枯女身已分明女心亦大白蜀山萬仞高蜀水千秋碧

先恭毅撫浙時以薄田所入載米至浙予以石港米貴每
歲亦必載米而行戲占一絕

渡江預計講堂餐繼粟高風世所難卻笑書生輕述祖敢將
作客比當官

病中次韻

兼旬成小極地僻問醫難減食晚猶飽添裘午尙寒累翻因
有子時將爲兒娶嬾趣未得休官多謝朋交誼時煩枉步看

唐刺史仲冕

報最入都且將乞假還楚詩以送別

故人欲別渺愁予敢惜竿舟百里餘東海續看字

帝謂南宮榜喜入家書

時令子鑑初成進士

江山待續元和志

君嘗欲葺通州

志松鞠難忘靖節廬屈指重來須隔歲寂寥誰更問窮居

每因同病互相憐聞道終輸靈運先交有性情方耐久官兼
風雅始稱賢已占日下庭幃樂未了天中跋涉緣惆悵恩恩
虛帳飲一詩聊抵繞朝鞭

張丈

煮

講舍前榆樹一本有鳥巢十九作榆十九巢圖索

題因用其韻

燕避戊己之日而銜泥烏以戊己之歲而增巢三五作隊四
隅既翼然後樂而啼昏朝不知拮据捋茶幾費手口勞擇地
而蹈乃在丈人屋上誇其高我聞烏爲祥禽又最壽埤雅烏性極壽
得非時雨化與君子之風同翔翔況準河洛之數定方位坐
使奇鶴怪鵬都潛逃人居其間者譬如淮南有公竹溪有逸
門前種柳之有陶行將映瑤光玉衡而上奎筵第唐家武庫

犀角垂長旂

唐六典令旗之制三十有二十九日犀角旗

汪太守

爲霖

乞養歸里以書見招却寄

聽說歸來樂不支卻愁重讀在官詩

來書述在汝州日嘗有止酒苦無醫睡藥盼歸

如望救生船之句

卽看戲綵循陔日便是收帆到岸時著眼園林新

綠待驚心岐路輦紅知扁舟好踐連床約且飲醇醪食蛤蜊

訪汪太守於文園留兩日而別

兩年前記此清遊重向文園信宿留敢謝深杯頻倒醞却愁

淺水未容舟

至岔河距豐利尚三十里易舢舨以進

官能勇退無餘憾人到飢

驅少善謀君若過江須訪我莫遲良會待殘秋

雨中乘小舟自豐利至岔河

一葉迎風雨蒼然暮色生荒林稀鳥宿野渡有舟橫肱曲難

安睡心枯合寡營無端被牽率應悔遲來輕

白蒲阻淺復不得進易舟至通州

裏河無水外河乾到處都成鮎上竿畢世未曾胸臆展老猶
跋涉早知難

雨後自通州至任家港

雨後登車發沙平泥未融新秧鋪水碧野卉出籬紅歲事田
功半人家盡趣中明朝江穩渡消息卜東風

五日舟中

我遊魚灣已三載行路無如此番苦九日之中八易舟阻淺
阻風還阻雨昨朝渡江乘舴艋問道遄歸冀無阻那知深港
幾絕流撐短篙同挽强弩兩年天中皆作客今復孤舟過重

午行使止尼信非人難進易退疑則古旅客方嗟磨上蠟闌
人應炫釵頭虎故園尺咫隔烟嵐畫舫喧闌任簫鼓河魚沉
爲疾致困塞雁何曾謀得所寒增五月裘未脫食減兩餐粥
聊煮上水船偏遇石尤且前且却空施櫓捫心原不望亨達
舉趾胡爲動乖迂區區順逆笑置之一事差堪自宰主端陽
更俟到家補重搗菖蒲傾綠醕

題龔二烈深山讀書圖

丈夫志弧矢豈肯存遐心泊乎倦游後入山恐不深仕學兩
相須通經求用足及知窮達定悔不十年讀徵君於我五世
親同巷常數夕與晨我慚中外負敷歷君獨岩壑藏經綸施
于有政是亦政馬書班志研搜竟治河轉粟務所先佇帛虛

輪曾未應書生別抱無窮意卻笑迂疎驟難試田功水利西北多若果成之尤快事尋山苦乏買山資余向有尋山卜築圖炳燭況常遲暮時期君早奏宣防績挾策同探二酉奇

哭洪大亮吉

我之先王姑實爲君大母君纔長一齡肩隨少相狃中間迹稍疎訂交始己丑過從鮮虛日親串兼密友泛舟雲溪濱塞衣林屋口同叨鄉曲譽牽連數某某君才日騰上說項爭恐後諸侯老賓客經訓大淵鼓我慚通藉先雞栖玷曹右歲再歷上章君築冠儕偶史奏雲五色學窮山二酉初衡曰下文識璞得瓊玖旋持牂柯節辨蘭閭稂莠還朝列承華夙莫勤職守去因令原喪出爲

鼎湖叩

今皇甫親政狂言甘碎首特寬東市刑但令西荒走曾納請
室餽追折都門柳百日卽

賜環

恩慈倍高厚無何我歸山春秋翦慈非我旣好盡言君尤善
使酒盛氣兩弗下趙瑟必秦飪宜嫌歡譙數常以直諒負昨
還白海隅聞君臥病久往訊語不祥謂亦故態有廼恃素稟
彊遂誤庸醫手聲名寰寓重著錄金石壽修短各隨化樹立
斯難朽獨悲卅年契永從一朝剖濡筆陳生平靈其鑒之否
次韻酬伍堯庶子

法式善

見寄

新詩似柳州讀罷幾搔頭君自勤簪筆吾方倦倚樓懷人空

有夢對酒幾銷愁但免陶潛乞何心李蔡侯

立秋夜舟中聞蟋蟀

半日西風氣已森感時先入候蟲心也知蓬底人難寐唧唧終宵伴苦吟

阻風江口示兒子戾時戾將就昏山左

雨歇風旋競天心滯客程江山開霽色草木有秋聲素志慚公理塵緣累子平汝遊今始遠早慰倚閭情

揚州送裴登車後歸舟作用前韻

信宿停邗上歸舟指舊程風攔來去路

往返皆遇逆風

水帶別離聲

暑怪秋偏酷心緣老漸平丈夫憐少子廻望一關情

渡江

到江風色忽然和如掌波平一棹過比似前朝難易判大都
穩處退時多

七夕示內

瓜果紛陳酒半酣聞人乞巧話誦誦除將離別同憂樂已過
靈辰一十三

初八日大雨

鵲散雞鳴夜景過懸檐急溜瀉銀河仙家別是年年慣底事
今番淚獨多

舍姪

學彭

以貴爲丞今將入都詩以志勗

刳醜殘年返

姪以去歲除夕抵家

秋來又遠行壯應求進取貧竟累科

名微祿親需養卑官學可成致身塗自廣努力紹家聲

題蔣上舍

龔

僧服托鉢小像

家住三逕幽心知六如幻居士身作比丘身本來面目何曾
換是人甚希有過於優曇華但攜一鉢任所往不愁踏遍天
之涯蒼顏白髮垂垂老至味應輸苾芻好我亦新叅自在禪
雞豬魚肉逢時飽

爲政

爲政平生負其如當局何東山有絲竹南國可謳歌舊雨泥
中隔秋風塞外多似聞公論惜懸鏡未曾磨

雨中近園訪桂還過莊大

開和

齋中小飲

秋雨一何快能令暑頓消信探花乍發情媿客頻招

君數招飲以予

服疾

改期鼻觀疑香聚心兵仗酒澆正愁歸路滑簾外又瀟瀟

管刺史

學洛

謁選北行去六日而卒於清江舟次詩以挽

之

辦裝信宿赴燕臺十日俄驚丹旆回君本入官翻送死世皆
欲殺獨憐才冷吟每惜知音少近以詩熱血難教賣志灰君
以嘔血卒疾婦夢深閨兒遠客故應魂去復魂來

兩世交情在紀羣服官年近遽修文頗嫌處事機鋒銳卻喜

承家編纂勤

尊甫侍御君所著俱已校刻

顧曲有人思昔酒看花何意立

斜暉

漸行臨夾竹桃兩盆

已傷朋舊彫零盡識合龍蛇又到君

今歲吳封君端

簪劉總戎通史上舍故棋洪縉修亮吉蔣刻
史重輝楊秀才廷黃相繼殂謝而君年最少

中秋夜作

月朗雲閒謝管絃三橋踏倦欲歸眠畫屏莫笑秋光冷銀燭

是夕然戊辰
守歲所餘燭

夜香輪閣聽

宵來對月曉聽雨秋到平分天亦判錢郎豪興欲補天招客
開尊半園半香輪小閣我慣登古香一片枝頭凝此時雨歇
雲尙黑日未曾暮先張燈燈懸三眉分五采遂使秋容一朝
改忽聞聲自隔林來舉座無言傾耳待紛紛彈絲兼品竹絲
竹須知不如肉乍疑囁語轉聞關漸若馬蹄相踏蹴緩歌低
唱好銜杯促節繁音殊可哀曲終奏雅太嫌寂翻愛金鼓爭
喧庭酒闌人各歎觀止歸路肯愁泥濕履老兔寒蟾匿影深
殘星偶見浮雲裏我與錢郎三世遊却從華屋感山邱追歡
誰是當年侶何怪勞人霜滿頭

蔣別駕

驛昌

招同人遊近園還飲齋中得句

昨向城東泛野航
又來城北訪天香
笑君老去偏多事
秋到平添一倍忙

庭桂無多境自幽
掃除三徑集羊求
小山便作香山看
大半賓來是白頭

挽袁上舍

延壽

著書儘有傍谿樓
何事飢驅不甞留
辛苦半生營萬卷
蒼黃一日訣千秋

君自浙抱病歸甫一宿而卒

對床難續揚州夢
載酒空思鄧尉遊

從此寒山寺前路
烏啼月落怕停舟

爲葉表弟

元謨

題舅氏涵峯先生畫

著墨無多潤亦蒼
後人珍重抵琳琅
渭陽一送音容杳
畫裏

山猶是故鄉

書海陽閩秀金若蘭花語軒詩後

天都黃海探靈源新詠爭傳花語軒解識關雎是風始故應
開卷賦禽言

夾竹桃

非竹非桃翠復丹也曾觸暑也凌寒除將一樹青棠外何物
如君耐久看

庭桂

庭桂知人意連番開不休花疑雪初滿香帶雨偏幽自笑隨
秋燕仍將狎海鷗何時小山隱欲別幾回頭

至揚州風雨大作

隋隄柳色已全荒風雨連宵斷客腸似爲玉谿添腹疾時苦脾泄
不關時節近重陽

九日陳大令觀國招集江漣洪梧兩同年姚文田白銘朱

方增三翰林對菊小飲

聽雨孤篷夜嚮晨蕪城九日客愁新忽逢折柬成高會難得
當筵盡故人談往已如蕉鹿幻尋盟只合水鷗親使君卻比
王宏好手種黃花勸飲醇

姚修撰文田卽席有詩似爲余言者次韻答之

雨中對酒可銷愁便抵平山訪菊遊此會似聯京國夢何年
重賦廣陵秋肯將令節教天誤且把新篇信筆酬君到蓬萊
還念否江湖有客望神州

附原作

重陽風雨劇生愁，就菊招邀得勝遊。
投轄豪情乘暇日，倚樓新句值清秋。
相逢客裏皆明舊，莫惜尊前更唱酬。
明日挂帆知便去，載將離思過揚州。

同年洪太守

梧

招遊湖上看菊次韻

同趁新晴探菊忙，餐英也算饋貧糧。
放舟先載紅梁醑，對柳空吟黃竹箱。
老去景憐秋黯澹，朝來路怕客分張。
已拌邀月從君醉，何止夷猶送夕陽。

同人招集芳園再用前韻

招攜排日累人忙，笑比當時不具糧。
花到半開宜置酒，詩經迭和欲填箱。
明蟾出樹弦將滿，倦鳥還巢羽亦張。
卽此園池

清興足琵琶那必聽潯陽

同人至天竺門皆散包

世臣凌曙

鄧修誠

三君復送至便

益門

執手城東月已高莫言秋水不容刀花潭只有汪倫送李白
當年無此豪

聞湖口周給諫

厚載

北上歿於塗次詩以志哀

雅有田園樂偏增道路哀一官衰尚戀積歲病爲災

恩重津門節情深燕市杯空孤求駿意至竟委蒿萊

甲辰試禮部卷

爲給諫所聘

前詩旣成重有所感復得一絕

少年倚劍氣無雙老驥如今志已降有淚只流章貢水一生

知已平西江

庚子

召試卷爲南昌彭文勤公間取進呈乙卯會試卷爲大庾李編修如筠薦李雖未入門

生之籍而此意不可忘也

舟行雜詠六言六首

自別揚州城郭推蓬日對秋光斟酌雨晴宜否何如換與重陽

任是灣環水轉未曾五兩帆懸石尤亦殊不惡進退吾皆澹然

魚蝦少緣邨僻鵝鴨喧知漲寬俊味居人見慣車螯頓頓常餐

留得傾城笑口豈真射雉遊風怪是行雲性活一生不住山

中

正望爛銀盤出卻被蝦蟆相入聲欺船頭立盡風露看他重到

圓時

九月十五
夜月蝕

下河四百里路舟行三五日閒亦有白雲紅樹只須著箇青

山

大士閣看木芙蓉

人言春色好獨愛秋光妍人皆護籬菊獨遠訪木蓮天高雲
物淨野曠瞻眺便丹流鷹爪外黃到鴨脚邊人三已成衆相
與度陌阡忽疑張蜀錦知近招提前映水顏沃若迎風態翩
然豈煩千金買早得一笑嫣青女弄狡獪紅妝闕嬋娟拒霜
迺宜霜實異名反傳老僧啓戶出邀客禮頗虔舊題牆壁黯
雜丹庭階甍十笏闢此地一杯渡何年相傳大士像
浮海而來偷閒借

竹院留話銷茶烟夕陽欲催去興盡堪言還空餘文官花零落誰爲憐

答葛秀才

壘

我交葛稚川實由陳孟公

上舍邦棟

未曾警欬接已識篇章工欣

然既握手心目爲一空禮豈吾輩設筵占于野同飲真逾渴

驢氣復凌長虹所嫌遲契濶四序如飄風昨至自江南知已

遊海東那堪交臂失近在信宿中畱示一卷詩毫素攄深衷

二百廿四字字字經磨礪庶幾懷袖置那必形迹通頗聞客

投樂道匪求童蒙我無花豬見

此間豬肉多以木漬

君有叔雞供君歸

尚遲遲我去仍恩恩準待春水發重來檣烏篷作此先代札

寥天附征鴻

椒雞并序

予來石港三載習聞海上椒雞之美頃有人餉致數頭
已以鹽漬味殊不佳因歎世之浪得名者之不獨此鳥
也

年年辛苦遡風行耳食何如試手烹任化神奇爲臭腐人間
猶自震虛名

蔡鹽尹

傳聲

補拙齋看蠅

官齋良夜集朋簪絳燭光中鞠影森澹處人宜交似水貧來
花愛色如金盤多俊味休辭飲酒到深談不厭斟却喜主能
常醉客得閒應許更追尋

和韻

歐陽忻

菊花采得滿頭簪秋色爛斑秋氣森盛饌味真羅似玉
短箋墨敢惜如金霜毛種種還同感雪酒通州酒名盈盈且
疊斟瞬俟小春梅意放又當策杖共相尋

蔡傳聲

滯髡獨來嵬一簪西風鬢菊又森森幸傳好句同遺錦
遠乞名花抵貸金時揚州送劉菊花味每無兼食客過飲原欲

醉倩誰斟知公亦有因時感瘦影珠簾何處尋席中談及舊事

送秋

人有送春感吾衰獨戀秋忍教佳日盡如把故人畱柳已無
青眼蘆還剩白頭斜陽凝望處攜酒一登樓

李生

長安

年四十五矣五日而殤二子詩以慰之

五日俄驚兩子殤難將修悻問蒼蒼庭前顧影真疑夢地下
隨肩可有方且向蘭陔娛白髮終收蔗境託青箱西河痛護
東門達況到商瞿歲正長

于孝婦詩

并序

于孝婦顧氏東臺縣人嫁未幾舅歿夫與姑俱病而姑
病尤劇割股療之得瘡姑後知之曰吾無以酬新婦願
無似我多病且壽考耳後年七十四而卒子四少曰泗
有文譽介門人石蘭來乞詩

孝于父母易孝于舅姑難豈知割股療姑事後先嘖嘖喧人
間嘗作吳縣吳孝婦詩亦以割股療其姑者吁嗟于孝婦舅死全家病夫病猶可
爲姑病瀕危欲無命此時孝婦心如絲斷難續苟能活尊章

宦情一塊肉割肉入藥併入羹效奏抑何神且速良人久而見以之自高聖姑聞喟然歎泣涕下數行吾無以酬婦願婦百歲身康強轉眼經今八十載此雍正己酉五月事美談猶自傳東海報施那必馴馬門有兒砥行兼能文

汪太守

爲霖

有詩寄憶次韻答之

初見浮萍貼水圓雨中花遲記同穿故交動復隔千里名士何曾值幾錢知感人琴到洪邁編修聞酬篇什有徐堅刺史

恩恩慚負銷寒約歸思先隨渡海船

三載賣魚灣畔住此身只合侶羣鷗看人勲業登青史與子行藏訂白頭是宇宙中皆夢幻有谿山處且勾留明年準待春波綠再訪名園續舊遊

飲酒二十首

并序

余少嗜酒老而未衰然少易醉而今則易醒豈量之踰於昔耶亦境之不如前爾頃來成山精舍每夕小酌輒復陶然因和淵明飲酒二十首意不僅在酒而未嘗不困酒根觸之也

靖節飲酒作端明嘗和之我才慚二子生恨非同時浮湛久隨世止泊偶在茲萬緣既已悟何用滋然疑惟有杯中物興到常一持

倦羽愛近林歸雲思舊山夜行不肯休誰能苦口言人生鮮耆耄況當遲暮年身後殊茫茫任其傳不傳

太上有立德其次不及情我爲平心論願以實副名豈知兩

無得忽忽過此生已泯窮達數幸免寵辱驚沉醉聊自遣獨
醒亦何成

階前黃葉積一半空中飛墮溷與飄茵與花有同悲昔爲衆
鳥托今失孤禽依落日澹相照好風何時歸俛仰卽陳迹回
頭異盛衰得酒如不飲徒嗟心事違

笙歌如沸鼎心靜不聞喧波濤雖蕩舟身定不覺偏草堂栖
未穩移文來北山亦有褰裳去蹈海無時還隨激胥失之可
爲知者言

觀人如讀書實事而求是跂以壽考終孔遭叔孫毀世多目
睫見持論空爾爾君看披裘翁被服勝紈綺

小小盛意氣時復露英英及其老且病得失都忘情偶然觀

良友肝鬲藉以傾時作莫逆笑或爲不平鳴禦冬賴旨酒四
體陽和生

治齋逞異色木蓮呈穠姿貯之餅盎中排列高下枝卽此如
在野何必山水奇卻謝居人誼每以餽贈爲名園主常出嗤
彼世網羈

長安有故人書至手自開勸我出而仕庶以慰衆懷我豈不
欲往才與用世乖飢驅尙役役敢便矜幽栖富貴本前定雲
亦無笑泥塗分膠漆渙道合金石諧伯玉知非早我媿遲覺
迷安能如食蔗味使美於回

我昔遠出塞築騎邊城隅東方有三大按部周其塗歸來五
六年謀食猶馳驅區區束修入羞囊略無餘何當營十笏閑

戶部案牘

攝生本寡術求富寧有道所嗟病與貧垂垂以至老紛華固
可悅終焉至於槁稱心談何易得酒卽亦好公榮量能容伯
倫達爲寶卻怪阮生狂竟修勸進表

今年歲收熟穀賤異暹時莫知苗之碩鄉農尙有辭比聞鯨
氛息安瀾慶從茲羣黎旣咸遂一飲夫何疑人貴行樂耳古
語不我欺床頭畱宿釀興到斟酌之

明月照小山清曠出塵境夜長苦無睡甦醉亦易醒醒來萬
感集了不得要領譬如處囊錐輾轉難脫穎白日去堂堂虛
窗燭空炳

平生寡嗜好談諧喜賓至齋廚自蕭然頗欲邀客醉淵明昔

有詠和仲韻俱次陶旣田園歸蘇方宦遊貴我獨苦久客維
肋食無味

先疇半償逋幸尙未鬻宅家食累更多他鄉常寄迹偶然整
琴書塵緣擾千百出處兩無就心期向誰白桑榆我已晚搔
首自憐惜

有子近弱冠茫然昧窮經我嬾不責善兒嬉欲速成遠適爲
秦贅世事殊未更庶幾衍似續聊以娛家庭本無志千里豈
望聲一鳴前路且聽之此非吾矯情

海水不成凍枯桑豈知風悠悠苟儕俗何以異衆中必也狂
與猿遑計塞且通莫笑此臂弱曾挽顏高弓

愛惡亦何定鑑空理自得欲生更欲死毋怪問辨惑希文遇

其亨宋瑞處其塞易地則皆然聲名留此國沒世疾不稱莫
但效緘默

夙無希榮念親衰爲貧仕一朝爲鮮民出處可由已省掖旣
旅進風塵尤內恥何如啜菽羹猶勝歌蒿里軒冕目前炫丹
青身後紀莊周尙齊物老聃貴知止世路動傾覆醉鄉較堪
恃

拾蕉以覆鹿說夢疑爲真鋪糟而啜醕何時能飲醇先民有
矩矱薄俗趨於新昨敦昆弟好今異越與秦白駒隙中影野
馬空際塵來者旣不見望古徒勤勤方冬苦驟寒杯斝良可
親時還沮以疾矧歎疲於津貂蟬雖耀首不如漉酒巾事大
醉亦休醉卽華胥人

將去石港次韻畱別保生

錫麒

時生擬入都

三載論文賴起予浮蹤寄處卽吾廬每憐金盡遊秦後卻喜
人當入洛初聞見廣須觀上國才華歛始邃羣書歸期應待
看花過載酒重將離思除

通州舟次遇雪

被酒夜中發五更寒已醒屢疑風掣被起見雪空船岸樹遠
全失村居曉半局尙攜餘釀在那惜罄陶餅

晚宿任家港殷家店

北風三日緊南岸斷來船店熟倦先憩床欹醉亦眠雨晴無
定算進止有微權人涉印偏否明朝一葦便

舟行口占

揚帆纔唱大江東
取次虞山在眼中
可惜霜林已無葉
十分紅剩一分紅

海關西去是蘇關
咫尺相望數里間
自笑裝輕無稅物
年年虛往復虛還

秦望遙遙對舜過
此間大可築吟窩
何時一舸攜家具
老占西山自補蘿

向有卜居焦店之意

讀綏寇紀略

勝國已移祚
烈皇適丁困
臣心競門戶
民氣失飢饉
米脂與膚
施生同居亦近其中
蓋有天匪徒人事
憤桓桓曹將軍
一門忠義奮矯矯
盧尙書尤長帷幄
運雖頻翦克炤終復
煽餘燼中樞費調停
臺諫紛議論
誤在勦撫兼敗由
出納吝豈無

良吏良亦有盡臣盡家毀難莫紆時危力空振焚漂到陵關
荼毒跨州郡傷哉屠戮慘言者心膽震卒致帝后尊同將社
稷殉黃來麓有算歟也特殘忍威行逾蜚螫勢蹙忽鼠遁通
城及鹽亭相繼飲鋌刃賊肉何足食衆心賴撫憤自從五季
後此劫見應僅誰違養癰戒遂召剝膚舜所怪益南才終遭
九江恨揜卷向寒窻林風如戰陣

小樓新開西窻雪後坐眺

宅北有小樓墻高與樓齊偶逢陰晦日幾令晨昏迷其東亦
峻垣瞻眺宜於西命工築爲竇因方恰如圭明收二曜入遠
可萬象稽昨宵朔風緊飛雲遍前隄曉起試縱目如向瑤臺
躋屋舍互隱現鹽絮紛端倪林霧散復聚炊烟颺還低犬吠

不得吹烏宿難爲啼門誰閉洛陽舟孰訪剡溪此時何以遣
賴有壺榼攜體物命阿胡勸醪唯鴻妻倚窻恣嘯傲被褐失
冷淒但求雙膝容追計廣廈栖醉鄉信堪隱俗客無繇擠陶
陶永日夕屑屑忘筌蹄漸覺檐溜歇殘雪消爲泥

至日偶成

陽生灰管轉添寒節序推排又履端三歲江湖爲客久

丙寅冬至

客邦上丁卯

四方兒女寄書難

三女在蕪湖四女在都下兒子契在新州

雲同望

戊辰客石港

眼迷誰辨月直當頭誤未看

相傳十一月望夜半月無影謂之月當頭予生平未見

謀

婦尙能藏斗酒銜杯相與話更闌

寒甚

寒氣今年甚嚴風吹不休路傍多凍骨河上少行舟炙視慵

敲句銜杯且散愁。比他無褐者，略有典餘裘。

十二月廿七日大雪白雲溪上對酒作

今年歲暮田無租，門前債主急索逋。家園縱得團妻孥，不及客舍喧撈捕。天公知客愁，思紆特遣玉戲將。愁驅初飄弱與柳絮俱，漸捲忽若鷺毛籠。自晨霏霏至日晡，高下一色瓊瑤鋪。白雲溪邊舊釣徒，藏醪可免青錢沽。臨溪置酒樂是園，洞啓窻牖披襟褸。著花樹樹重噓枯，飛鳥莫能辨鵲烏。跳身疑入冰玉壺，大叫快絕歌復呼。興到直欲傾千觚，男兒刺促誠何辜。可憐蠅翼如意珠，少不能致公與孤。老猶漂泊行江湖，皓然髭髮空頭顱。往往路鬼相擲掄，醉鄉侯竊聊自娛。差比債帥頭銜殊，起視天色雲模糊。此時寒氣消歸無，來日大難

且勿虞

子戾

校字

姪學彭

亦有生齋集詩卷第二十五